

Na osnovu prethodno postignutog dogovora pregovaračkih timova, Vlada Tuzlanskog Kantona i Samostalni sindikat radnika osnovnog obrazovanja i odgoja, kao reprezentativni sindikat za područje djelatnosti osnovnog obrazovanja u Tuzlanskom kantonu, dana 15.02.2024. godine, zaključili su

S P O R A Z U M

o utvrđivanju osnovice za obračun plate, iznosa povećanja plate, iznosa naknade za ishranu u toku rada (topli obrok), najniže plate, iznosa naknade za korištenje godišnjeg odmora (regres) te iznosa pomoći shodno Uredbi o isplati pomoći od strane poslodavaca za zaposlene u oblasti osnovnog obrazovanja u 2024. godini

I

Strane potpisnice ovog sporazuma su suglasne da se obračun plaće za sve zaposlenike u ustanovama osnovnog obrazovanja, za I kvartal 2024. godine, vrši po osnovici u visini od 454,00 KM i postojećim koeficijentima, a od 01.04.2024. godine po koeficijentima uvećanim za 8,5 %.

II

Strane potpisnice ovog sporazuma su saglasne da se najniža plata za zaposlene u oblasti osnovnog obrazovanja za 2024. godinu utvrđuje u visini od 803,00 KM.

III

Strane potpisnice ovog sporazuma su saglasne da se naknada za ishranu u toku rada (topli obrok) za zaposlene u oblasti osnovnog obrazovanja za 2024. godinu, obračunava u visini od 1% prosječne mjesečne neto plaće isplaćene u Federaciji prema posljednjem objavljenom podatku Federalnog zavoda za statistiku.

IV

Strane potpisnice ovog sporazuma su saglasne da se naknada za korištenje godišnjeg odmora (regres) za sve zaposlene u oblasti osnovnog obrazovanja za 2024. godinu isplati u iznosu 50% prosječne neto plate u Federaciji Bosne i Hercegovine prema posljednjem objavljenom podatku Federalnog zavoda za statistiku, u skladu sa posebnom odlukom koju će za sve korisnike Budžeta Tuzlanskog kantona donijeti Vlada Tuzlanskog kantona.

V

Strane potpisnice ovog sporazuma su saglasne da se izvrši isplata pomoći svim zaposlenim u oblasti osnovnog obrazovanja zatečenim u radnom odnosu na dan isplate pomoći shodno Uredbi o isplati pomoći od strane poslodavaca („Službene novine FBiH”, broj: 96/23) u iznosu od 300,00 KM, o čemu će Vlada Tuzlanskog kantona donijeti posebnu odluku najdalje do 05.04.2024. godine.

VI

Strane potpisnice su saglasne da će, u slučaju da se povećanje plaća budžetskim korisnicima iz drugih oblasti primjeni od 01.01.2024. godine, odnosno prije 01.04.2024. godine, Vlada Tuzlanskog kantona u skladu sa prihvaćenim povećanjem plaća, kroz uvećanje koeficijenata za obračun plaća zaposlenim u oblasti osnovnog obrazovanja utvrđenog ovim Sporazumom, isplati razliku plaće za taj period.

VII

Vlada Tuzlanskog kantona iskazuje opredjeljenje da se, na temelju dostignutog partnerstva sa predstavnicima Samostalnog sindikata radnika osnovnog obrazovanja i odgoja Tuzlanskog kantona, prateći finansijsko stanje u Budžetu Tuzlanskog kantona, iznađe mogućnost za isplatu pomoći za vjerske i državne praznike u drugom dijelu 2024. godine

VIII

Vlada Tuzlanskog kantona iskazuje opredjeljenje za nastavak pregovora o izmjenama i dopunama (aneksu) Kolektivnog ugovora za djelatnost osnovnog obrazovanja u Tuzlanskom kantonu.

IX

Ovaj sporazum stupa na snagu danom njegovog obostranog potpisivanja i isti će biti objavljen u “Službenim novinama Tuzlanskog kantona”.

**Samostalni sindikat radnika
osnovnog obrazovanja i odgoja**


Sumedin Kulović

Broj: 02-57/24
Tuzla, 15.02.2024. godine

Premijer Kantona


Irfan Halilagić

Broj: 02/1-30-3097-4/24
Tuzla, 15.02.2024. godine